

Cussagl da cumün

Protocol nr. 3 da ls sezzüda dals 9 marz 2010

Zona da pos per la sulvaschina

Il territori da Traversinas fin Spescha es gnü zavrà sco zona da pos per la sulvaschina. Davart da la società da chatschaders vaina giavüschà da tilla ingrondir vers ost fin illa Val Püzza. Il Cussagl sustegna quist'idea e sclerischa cul planisader scha quai saja pussibel.

Pendicularas Motta Naluns, veranda d'inviern „Bazzi-Bar“

In connex cul fabricat da la s-chabellera nouva esa da trattar cullas Pendicularas il seguaint:

Ingrondimaint dal local da restoraziun da la „Bazzi-Bar“:

Üna part da la veranda d'inviern s'rechatta sülla parcella da cumün (2715). Per quel toc terrain fan ellas la dumonda per ün dret da fabrica. Il Cussagl nu sustegna lur proposta, e propuona a la radunanza da vender il toc terrain correspondent. A regard il predsch esa da trattar cullas Pendicularas.

Implü propuona il Cussagl a la radunanza da conceder il dret da fabricar plü daspera al cunfin.

Local per las chaschas:

Quist fabricat vain construi plü daspera al cunfin da la parcella da cumün (2715). Il Cussagl propuona a la radunanza da conceder eir quist dret da fabricar plü daspera.

Landolt Robert, annex

Il Cussagl conceda il permiss da fabrica per divers müdamaints dal proget da fabrica (veranda d'inviern) da lur chasa nr. 11 D in Pradatsch.

Corp da pumpiers, incorporaziun

Ils seguaints pumpiers sortan dal corp saja quai pervi da motivs da manster, da l'età, da maternità obain chi sun emigrats: Riet Peer, Dumeng Schucany, Andrea Stuppan, Kathrin Stuppan ed Andri Vonlanthen. Il Cussagl tils ingrazcha per lur ingaschamaint d'ürant il temp activ. Sco nouvs pumpiers vegnan incorporadas las seguaintas persunas: Tumasch à Porta, Andri Cantieni, Jöri Hew, Andreja Peer e Claudio Rauch.

Via da Prui

In vista al fabricat da la s-chabellera decida il Cussagl da stipular ün contrat per quai chi riguarda l'adöver da la via da Prui. Quella cunvegna dess valair eir per l'avegnir. Las Pendicularas as partecipeschan cun 60 % vi dals cuosts da mantegnimaint da la via da Prui. La lavur vain fatta dals lavuraints dal cumün da Ftan. Il manader tecnic survaglia la lavur e po eir integrar lavuraints da las Pendicularas. La fin da november trametta il cumün ün preventiv da cuosts per l'on seguaint.

Per las vias da Prasüras - Frus-chader e Plan da Pennas - Futscharai surpiglian las Pendicularas 100 % dals cuosts pel mantegnimaint chi vegnan chaschunats tras il fabricat d'ingon.

Il capo: sig. Reto Pedotti

L'actuar: sig. Andri Florineth